

ԱՐՋՈ ԱՌԻՃԻ ԴՊՐՈՑԸ XIII ԴԱՐՈՒՄ

ԿԱՐԵՆ ՄԱԹԵՎՈՍՅԱՆ

Անի քաղաքի վերելքի տարիներին նրա շրջակայքում ծաղկեցին տարբեր խամանակներում կառուցված մի շարք մշակութային կենտրոններ: Դրանցից նշանավորներն էին Հոռոմոսի վանքը, Բաղնայրը, Խծկունքը, Արջո Առիճը: Դրչության և ուսումնակրթական այս կենտրոններն անմիջականորեն ընդգրկվեցին Անիի ընդհանուր զարգացման ոլորտը, ուղղակիորեն կրելով քաղաքային բուռն կյանքի ու ապրելակերպի, անհավան մշակույթի ու արվեստի ազդեցությունները: Այդ կենտրոնների մշակութային կյանքի պատմության ուսումնասիրությունն ինքնին կարևոր լինելով, որոշակի դեր ունի նաև Անիի պատմության ու մշակույթի հարցերի լուսաբանման առումով: Տեղում կատարած դիտումներից և բաղմամյա ուսումնասիրություններից ելնելով, Թ. Թորոմանյանը գրում է. «Անպայման Հոռոմոսի վանքը, Բաղնայր, Արջո Առիճն և անոնց նման 4-են մինչև 10 կիլոմետր հեռավորության վրա՝ այժմ ավերակ գյուղեր Անիի արվարձաններն էին և անմիջական կապ ունեին քաղաքի ներքին վարչական և տնտեսական գործերու հետ»¹: Քաղաքի մոտակա մեծ ու փոքր բնակավայրերը «ոչ միայն սպասարկում էին տվյալ խոշոր քաղաքը մրթերքներով և հումքով, այլև ունեին իրենց արհեստանոցներն ու շուկան, կապված էին խոշոր քաղաքի հետ տնտեսական, առևտրական բավականաչափ սերսու կապերով»²: Օրինաչափ է նաև այն, որ Անիի և նրա մոտակայքում գրտնրվող մշակութային կենտրոնների միջև ստեղծվել էր մի ներդաշնակ միասնություն, որն արտահայտվում էր մշակութային գործունեության ամենատարբեր կողմերի համագործակցությամբ: Այստեղ կանդրադառնանք Անիից 10—12 կմ արևմուտք գտնվող Արջո Առիճի մշակութային կենտրոնի պատմության դրվագներին և XIII դ. գործող դպրոցին:

Տեղադրությամբ Անիից ավելի բարձր և աղբյուրներով առատ վայր է Արջո Առիճը և նրա մոտ գտնվող համանուն (հետագայում՝ Ալաշա) լեռան ստորոտից է տարվել քաղաքի խմելու ջրի մի մասը, որի համար պատրաստված կավաշեն խողովակաշարի հատվածներ են հայտնաբերվել պեղումների ժամանակ³: Արջո Առիճի վանական համալիրը XIX դարում արդեն բավական ավերված է եղել: Երևի դրանով պետք է բացատրել այդ հուշարձանախմբին վերաբերող նյութերի կցկտուր բնույթը: Բավական է ասել, որ չի պահպանվել անգամ գլխավոր եկեղեցու հատակագիծը: Ն. Սարգսյանը, որը հավաքել և 1864 թ. հրատարակել է Արջո Առիճում պահպանված արձանագրությունները, հուշարձանի մասին գրում է. «...մենաստանս, որոյ անհետացեալ իսպառ, քնշիարեալ մասունս եկեղեցոյն պահէ տակաւին: Եկեղեցիս այս թէպէտ և մեծութեամբ և հոյակապութեամբ զուգակշիռ չկայցէ ընդ Բաղնայր, սակայն և ոչ շատ ստորին է, քան զնա: Նոյնօրինակ բաժանեալ է և սա ի ներքնադաւիթ և ի տաճար... Բազում էին և սորա արձանագրութիւնք ի ներքնադաւիթին, սա-

1 Թ. Թորոմանյան, Նյութեր հայկական ճարտարապետության պատմության, Երևան, 1942, էջ 328:

2 Բ. Առաքելյան, Քաղաքները և արհեստները Հայաստանում IX—XIII դարերում, Կ. Ի, Երևան, 1958, էջ 84:

3 Բ. Հակոբյան, Անիի պատմություն, Երևան, 1980, էջ 247—248, վ. Հարությունյան, Անի քաղաքը, Երևան, 1964, էջ 52:

կայն շատք խանգարեալ են»⁴։ Գլխավոր եկեղեցու արևմտյան կողմում կառուցված է եղել կամարակապ երկհարկ շինություն, որից նույնպես քիչ բան է պահպանվել⁵։ Արջո Առիճի քիչ թե շատ անվնաս մնացած 10 վիմագիր արձանագրություններում տեղեկություններ չկան ո՛չ վանքի կառուցման թվականի, ո՛չ էլ կառուցողի վերաբերյալ։ Թվակիր արձանագրություններից ամենահինը վերաբերում է 1207 թ., իսկ վերջինը՝ 1289 թ.։ Արջո Առիճի ուխտը Աստվածածնի և Գրիգոր Լուսավորչի անունով է։

Վանքը XIII դարում ունեցել է նաև տնտեսական որոշակի դեր և դործունեություն ունեցող Անիի արձանագրություններից մեկում Միլենց Սարգիս բաժրարը հայտնում է, որ Արջո Առիճի ս. Գրիգորը աղատվում է «բաժ» հարկից⁶, որն ուներ «փոխագրության մաքսային հարկի նշանակություն»⁷։ Իսկ Մրենի արձանագրություններից մեկում (1273 թ.) Անիի նշանավոր մեծատուն Սահմագիրը տեղեկացնում է, որ Արջո Առիճի Մրենում և Օշականում գտնվող այգիները ազատում է «խալալ» կոչվող հարկից⁸։ Արջո Առիճի արձանագրություններից երևում է, որ այդտեղ ժամանակին մեծաթիվ հովետրականություն է եղել («բնակիրը վանացա»)։ Հիշատակվում են նաև վարդապետներ և Գրիգոր անունով եպիսկոպոս⁹։ Խալց արձանագրությունների մեծ մասը նվիրատրվական բնույթի է և վանական ընդարձակ կալվածքների ու առատ ինչքի մասին է վկայում։ Վանքին նվիրվել են նաև ձեռագրեր։ Դրանցից մեկը 1211 թ. ընդօրինակված «Հաղբատի ավետարան» կոչվող մատյանն է¹⁰։ Ձեռագրի զբլխավոր հիշատակարանում ստացող անեցի Սահակը գրում է Ավետարանը Արջո Առիճին նվիրելու մասին, միաժամանակ հայտնելով մի արժեքավոր տեղեկություն, որ իր տոհմը այդ վանքում եկեղեցի է կառուցել. «...ով լուսերամ բնակիչը սրբոյ ուխտովը Արջուառճի, առ որ զյոյս հաւատոյ մեր եղեալ զբողմանգալ գոյք ծնողաց մերոց և եղբարց՝ ծախեցաք և շինեցաք զաստուածաբնակ սուրբ եկեղեցիքս և աւանդեցաք զսուրբ Աւետարանս յԱստուծոյ սուրբ եկեղեցիս, որ շինեցաւ ի մէնջ ի վանս Արջուառճի, որպեսզի սուրբ եկեղեցաւս և սուրբ Աւետարանաւս մեք և ծնողքն մեր և եղբարք և ազգականք գտցուք ուղորմութիւն ի Բրիստոսէ»¹¹։ Ինչպես տեսնում ենք, սկզբում Սահակը գրում է «շինեցաք... եկեղեցիքս», բայց հետո կոնկրետացնում է. «Եկեղեցիս, որ շինեցաւ ի մէնջ ի վանս Արջուառճի», այսինքն նրա տոհմը ոչ թե Արջո Առիճի վանքն էր կառուցել, որն անկասկած ավելի հին ծագում ունի, այլ մի եկեղեցի այդ վանքի համալիրի մեջ, ուր և տարվել է վերահիշյալ ձեռագիրը գրվելուց հետո։

Արջո Առիճում դպրոցի գոյության հարցը դուրս է մնացել ուսումնասիրողների ուշադրությունից, համապատասխան նյութերի անհայտության պատճառով և, բնականաբար, հայ դպրոցի ու մանկավարժության պատմությանը նվիրված աշխատություններում չենք հանդիպում Արջո Առիճի անվանը¹²։ Այժմ, սակայն, հրապարակված և նորահայտ տվյալները հնարավորություն են ընձեռում խոսել այդ դպրոցի մասին։

⁴ Ն. Սարգսյան, Տեղագրութիւն ի Փոքր եւ ի Մեծ Հայս, Վնեստիկ, 1864, էջ 190։

⁵ «Մի տեղեկագիր Կարսի մարզի վերաբերյալ» («Բանբեր Հայաստանի արխիվներէ», 1970, № 2, էջ 111)։

⁶ «Դիվան հայ վիմագրության», պրակ I, կազմեց Հ. Օրբելի, Երևան, 1966, էջ 3, արձ. № 6։

⁷ Հ. Մանանդյան, Երկեր, հ. Դ, Երևան, 1981, էջ 88։

⁸ Կոստանյանց, Վիմական տարեգիր, Ս. Պետերբուրգ, 1913, էջ 116։

⁹ Ն. Սարգսյան, Նշվ. աշխ., էջ 191, տե՛ս նաև՝ Դ. Ալիշան, Երկրակ, Վնեստիկ, 1881, էջ 121—123։

¹⁰ Մեսրոպ Մաշտոցի անվան մատենադարան (այսուհետեւ՝ Մատենադարան), ձեռ. № 6288։

¹¹ Գ. Հովսեփյան, Յիշատակարանք ձեռագրաց, հ. Ա, Անթիլիաս, 1951, էջ 749 (այս և հաջորդ հիշատակարաններում արված ընդգծումները մերն են—Կ. Մ.)։

¹² Ա. Մովսիսյան, Ուրվագծեր հայ դպրոցի և մանկավարժության պատմության X—XV դդ., Երևան, 1958, Ա. Ալպոյաճյան, Պատմութիւն հայ դպրոցի, Գահրէ, 1946 և այլն։

1298 թ. Անի քաղաքի ներքին բերդում ընդօրինակված մի Ավետարանի հիշատակարանում ստացող Հակոբը նշում է, որ ձեռագիրը նվիրվում է Արշո Առիճի ուխտին. «...դայս Աւետարան, զոր աւանդեցի և ընծայեցի ի բնակած տեղիս մեր՝ ի սուրբ ուխտս Առջևառեւծոյ»¹³: Այնուհետև հաղորդում է, որ իր Ստեփանոս եղբոր հետ մանուկ հասակից սովորել են Արշո Առիճում, ուր և արժանացել են քահանայական ձեռնադրության. «...Յակոբ ի մայրաքաղաքէս Անոյ, հանդերձ աստուածագութ եղբարք իմ Ստեփաննոսի ի մանկութենէ վարժեալ ի սուրբ ուխտս Առջևառեւծոյ. ի դրան սրբոյ Աստուածածնիս և սուրբ Գրիգորոք քրիստոսազար սուրբ Նշանիս հովանեաւ տաղաւարեալ և յայսմ տեղոյ ընկալեալ զաւժումն քաննայութեան պարգեւաւ»¹⁴: Հակոբի հիշատակարանից երևում է, որ նա ծագումով հենց Արշո Առիճից էր. «Ի բնական տեղիս մեր» և «ի մանկութենէ վարժեալ» խոսքերը դրա հավաստումն են, թեև բնակվում էր Անիում («Յակոբ ի մայրաքաղաքէս Անոյ»): Սակայն արժեքավորն այստեղ վկայությունն է Արշո Առիճի ուխտում երկու եղբայրների ուսանելու և նույն տեղում քահանա ձեռնադրվելու վերաբերյալ: Դա դպրոցի գոյությունն հաստատող ուղղուկի փաստ է: Արշո Առիճի դպրոցի մասին հիշատակություն է պահպանվել այդ վանքին XIII դարում նվիրված մեկ այլ ձեռագրում, որից միայն մեկ թերթ է հասել մեր օրերը, որպես XVII դարի մի հայամավորի պահպանակ¹⁵: Բարեբախտաբար, այդ քայքայված մագաղաթյա թերթը պարունակում է նախկին Ավետարանի (գրությունից դատելով՝ XI դարի) հետագայի հիշատակարանի մի հատվածը, ուր նշվում են Անիի և Արշո Առիճի անունները, իսկ ձեռագիրը նվիրող Աստվածատուրը իրեն կոչում է Արշո Առիճի ուխտի աշակերտ: Նկատի ունենալով պատահիկի ներկա վիճակը և հիշատակարանի արժեքը, այն մեջ ենք բերում ամբողջությամբ.

էջ ա

«Քրիստոս աստուած քո սուրբ աւետարանյաց քարեխաւսութեամբ ողորմեալ Աստուածատուր և զաւակի նորայ Մանուիլայ և հոգևոր մար իմոյ Սթլեբոյն Արեւիշեցի և զաւակաց նորայ, որ նահատակեցան ի տաթարէն, և զրեա զնոսայ ի դպրութեան կենացն յալիտոնից և ջնջեալ զձեռագիր յանցանայ նոցայ, և ողորմեա յաստ և ի հանգերձելումն, ամեն»:

էջ բ

«...նայ զնայ որպէս ինքն կամեցաւ:
...սուրբ առաքեալն և աւետարանիչն Քրիստոսի:
...տե[մ]բերի ամսոյ և Քրիստոսի փառք յաւիտեանս, ամին:
...նուստ և անարժան քահանա, աշակերտ և...
...ուխտիս Արշուառեւծոյ. որ ի դրան մայրաքաղաքիս Անոյ, որ աւանդեցի զսուրբ [Ավետարանս]
...ի նորին յուխտս, յիշատակ ինձ և ծնողաց մերոց և եղբարց և վարդապետաց...
...ինս և ես...»:

Ինչպես երևում է, հիշատակարանը գրված է 1236 թ. հետո, երբ մոնղոլները դրավեցին Անին և նրա շրջակայքը, քանի որ այստեղ նշվում է Աստվածատուրի մերձավորների նահատակությունը թաթարների ձեռքով՝ «ի տաթարէն»։ Աստվածատուրը իրեն կոչում է Արշո Առիճի աշակերտ. հիշատակարանի այդ մասում չպահպանված հատվածը կարելի է վերականգնել. «աշակերտ և [սպասաւոր սուրբ] ուխտիս Արշուառեւծոյ։ Ուշագրավ է նաև Արշո Առիճի տե-

13 К. Ю з б а ш я н. Анийская рукопись 1298 г. (սխանիկները նրանի համալսարանի, 1971, № 2, էջ 80): Ձեռագիրը պահվում է Լենինգրադում, արևելագիտության ինստիտուտում, В 44 համարի տակ:

14 Նույն տեղում:

15 Մատենադարան, ձեռ. № 1501:

ղաղրությունը նշելու եղանակը, ուր ընդգծվում է այդ բնակավայրի սերակապն ու մերձությունը Անի քաղաքին. «Արջուառճո, որ ի գրան մայրաքաղաքիս Անոյ»:

Այսպիսով, Արջո Առիճում քահանայական աստիճան ստանալու և վարդապետների հիշատակության փաստերը ցույց են տալիս, որ այստեղ եղել է դպրոց, որտեղ, ուսումնառության համապատասխան շրջան անցնելով, աշակերտները քահանայության աստիճան էին ստանում: Ուսումնական այդ կենտրոնի գործունեությունը ժամկետով է XIII դարում: Վերը թվարկված երեք ձեռագրերի նվիրաավությանը վերաբերող հիշատակությունները վկայում են, որ վանքին կից եղել է գրագարան, որից հավանորեն օգտվել են նաև դպրոցի սաները:

Արջո Առիճում դպրոցի գոյության հանգամանքը դալիորեն լրացնում է մեր գիտելիքները Անիի մերձակա շիրակյան այդ բնակավայրի վերաբերյալ: Այն կարևոր է Արջո Առիճի մշակութային կենտրոնի գործունեության, ինչպես և բուն հուշարձանի պատմության հետագա ուսումնասիրության տեսակետից, միաժամանակ միջնադարյան հայ դպրոցի պատմությունը հարստացնում է մինչև դրվագով:

АРДЖО-АРИЧСКАЯ ШКОЛА В XIII ВЕКЕ

КАРЕН МАТЕВОСЯН

Резюме

Средневековое армянское поселение Арджо-Арич находится близ города Ани. В рукописи, написанной в 1298 г. в г. Ани (ныне хранящейся в г. Ленинграде), есть памятная запись, содержащая сведения о существовании школы первой ступени при монастыре Арджо-Арич. Закаччик рукописи Акоп сообщает, что он вместе с братом Степаносом после обучения в школе Арджо-Арича были посвящены в сан в том же монастыре. В другой памятной записи, уцелевшей на фрагменте в целом не сохранившейся рукописи (написанной после 1236 г.), некий Аствацатур называет себя учеником арджо-аричской школы. Указанные сведения дают основание утверждать, что в XIII в. в Арджо-Ариче существовала школа.